

四庫全書

子部

欽定四庫全書

子部

石渠寶笈

上諭凡例總目

卷一

詳校官中書

臣吳璫

侍讀

臣孫球覆勘

總校官編修

臣王燕緒

校對官助教

臣胡予襄

騰錄監生

臣任兆炯

乾隆九年二月初十日奉

上諭

三朝御筆藏之金匱者焜煌典重實為超越前古朕每
一捧觀輒增永慕所當敬為什襲貽我後人又內
府所儲歷代書畫積至萬有餘種籤軸既繁不無
真贋頃釋道二典已編為秘殿珠林一集此外並
宜詳加別白遴其佳者薈萃成編朕少年時間涉
獵書繪登極後每緣幾暇結習未忘弄翰抒毫動

成卷帙應一並分類詮次用誌歲月至臣工先後
經進書畫暨傳入御府者往往有可觀覽選擇排
比亦足標藝林之雅且我

列聖貽留墨寶厯久逾新即前賢斷紙零縑用是有所
稽考朕於清讌之餘偶一披閱悅心研慮左圖右
史古人豈其遠哉欽此

欽定四庫全書

石渠寶笈凡例

一是書首冠

四朝宸翰其人手蹟則謹依年代前後先列朝次無名
次國朝先冊次卷次軸書畫既區上次攸別各
以周興嗣千文中一字編記並仿秘殿珠林體
例顧此書卷帙更繁叙錄不無小異而大段規
模則總歸一致也

一我朝

聖

聖相承道德光華發為文藻

四朝宸翰焜耀萬世冊卷軸各以類分就中以標題尤
典重者弁首至臨摹古人則仍從舊蹟次第凡
青宮時翰墨又歸於後不以編年為序也

一秦漢以來尚矣六朝五代唐宋元明列朝大
較燦如眉列而各朝內又詳攷本人列傳依年

叙錄國朝亦以先後年歲自為分別臺閣山林及方外女史更不另為位置文字因緣固當如是

一是編所收皆古今名蹟雖或臨本逼真亦暨置之次等題疑俱仍其舊而真贋自別

如次等書有二

王褚柳次等畫有荆關董巨

一冊卷軸之後又別為書畫合璧一門然必其工力悉敵方稱雙美其有年代懸殊及書畫未

必兩佳者則仍各從其類等諸附庸不為並重也

一釋道二氏既編為秘殿珠林一集是編亦間有涉二氏語者然所書非某偈某經所畫非祇林丹室則亦同為月露風雲而已故是編仍為收入

一書畫首詳本幅先分別牋絹與書之真草篆隸畫之墨畫著色及本人款識圖章或他人題

跋在本幅者暨收藏押縫諸印以次叙錄不奸
不僭其冊則前後副頁次及餘副卷則前後隔
水次引首又次拖尾軸則左右邊幅次及詩塘
題記夥牘謹依其次欲使條理井然觀者可無
留目也

一上等敘述尤詳總無一字之遺惟題跋人圖
印後刪以款字已明不須重贅也次等則但記
本人題識不叙印章其有經

御筆題跋者仍謹為詳錄至他人題跋則但云某題一
某跋一不錄全文禮從其降所以別於上等又
上等本幅則謹記高廣若干用明珍惜次等則
畧之以省登記之繁

一凡所登記其題跋與印章俱謹依前後冊則
曰幅前幅後卷則曰卷前卷後軸則曰左方右
方上方下方其為前代內府收藏之寶統以璽
書之名人印章統以印書之其間有諸印或幾

印

如三印
四印云

有卷前卷後或卷首卷尾不無小異

一書畫中有

聖祖暨我

皇上書籤並題跋者則於各項叙述之後敬為登載
不敢與諸人題跋一例

一名跡流傳幾經裝背款字已失或原無題款
經名人鑒跋確有據依或書法畫宗的然無款
為某某者則以無款或未署款書之仍歸列朝

有名人類其稍涉疑似未為傳信則分別墨氣
絹色約畧唐宋別為無名氏一門亦夏五缺文
之意

一上等中題跋既全錄原文其間有但署別號
及無名者其印章可識或別有攷據則仍書某
某其概無可証則但書題句云跋語云直錄其
題跋之詞而以後署某字書之不敢臆為附會
用以闕疑存考

一真蹟中如羲獻手墨一字亦不易得其殘鱗
斷幅必以幾行幾字謹記之所以別於後代諸
家吉光片羽珍重應更逾十倍也

一全幅中或有割裂弗全題識中或有訛舛字
句又白璧無瑕或俗子贗作一詩一跋此類則
間加按語祇以別白是非而贊美之詞不贅

一古人名蹟輾轉流傳收藏不一手前人無論
矣本朝則雙峰閣思原堂二家題識圖章概刪

不錄以其無關輕重且春秋遺意也

一刻絲繡線雖工亦為降格皆附於本項無名氏之後毋庸別分門類又便而盛於有明名人真蹟往往可見然一冊多至數十家其年代前後參差不等亦總歸於列朝之末

一書畫分貯乾清宮養心殿重華宮御書房四處俱各用鑒藏璽以別之又石渠寶笈乾隆御覽之寶二璽冊卷軸皆同上等者則益以乾隆

鑒賞三希堂精鑑璽宜子孫三璽既分貯四處
所編字號仍分部排次取其便於觀覽

一我

皇上宸翰富有日新又御府後此所收古今名蹟亦
未可槩以起訖並擬另入續集再為編次

一是編始於乾隆甲子仲春成於乙丑冬十月
奉

敕排纂諸臣有不能終始其事者然既均効編摩即

當與名其列今仍照被

命名次署銜用志緣起

臣

張照

臣

梁詩正

臣

勵宗萬

臣

張若靄

臣

莊有恭

臣

裘曰修

臣

陳邦彥

臣

觀保

臣

董邦達恭記

欽定四庫全書

子部八

石渠寶笈總目

藝術類一

書畫之屬

卷一

貯

乾清宮一

卷二

貯

乾清宮二

卷三

貯

乾清宮三

卷四

貯

乾清宮四

卷五

貯

乾清宮五

卷六

貯

乾清宮六

卷七

貯

乾清宮七

卷八

貯

乾清宮八

卷九

貯

乾清宮九

卷十

貯

養心殿一

卷十一

貯

養心殿二

卷十二

貯

養心殿三

卷十三

貯

養心殿四

卷十四

貯

養心殿五

卷十五

貯

養心殿六

卷十六

貯

養心殿七

卷十七

貯

養心殿八

卷十八

貯

養心殿九

卷十九

貯

三希堂

卷二十

貯

重華宮一

卷二十一

貯

重華宮二

卷二十二

貯

重華宮三

卷二十三

貯

重華宮四

卷二十四

貯

重華宮五

卷二十五

貯

重華宮六

卷二十六

貯

重華宮七

卷二十七

貯

重華宮八

卷二十八

貯

御書房一

卷二十九

貯

御書房二

卷三十

貯

御書房三

卷三十一

貯

御書房四

卷三十二

貯

御書房五

卷三十三

貯

御書房六

卷三十四

貯

御書房七

卷三十五

貯

御書房八

卷三十六

貯

御書房九

卷三十七

貯

御書房十

卷三十八

貯

御書房十一

卷三十九

貯

御書房十二

卷四十

貯

御書房十三

卷四十一

貯

學詩堂

卷四十二

貯

畫禪室

卷四十三

貯

長春書屋

隨安室

攸芋齋

卷四十四

貯

翠雲館

漱芳齋

靜怡軒

三友齋

臣等謹按

欽定石渠寶笈四十四卷乾隆九年奉

勅撰書評畫品肇自六朝張彥遠始彙其總依據

舊文粗陳名目而已不能近見真迹也唐宋

以來記載日夥或精於賞鑒而限於見聞或

長於蒐羅而短於辨別迄未能兼收衆論定著一編為藝林之鴻寶我

國家承平景運一百餘年

內府所收既多人間所未睹我

皇上幾餘游藝妙契天工又

睿鑒所臨物無匿狀是以

品評甲乙既博且精

特命儒臣錄為斯帙以貯藏

殿閣依次提綱以書冊畫冊書畫合冊書卷畫
卷書畫合卷書軸畫軸書畫合軸分條列目
其箋素尺寸印記姓名賦詠跋識與奉有

御題

御璽者皆一一臚載纖悉必詳而

三朝宸翰

皇上御筆尤珍逾球壁光燦儀璘仰見未明

勤政之餘乙夜

觀書之暇松雲棟牖穆穆凝神所為頤養天和
怡情悅性者不過游心翰墨寄賞丹青與前
代帝王務侈紛華靡麗之觀者迥不侔也乾
隆四十六年十一月恭校上

總纂官

臣紀昀臣陸錫熊臣孫士毅

總校官
臣陸費墀

欽定四庫全書

石渠寶笈卷一目錄

貯

乾清宮一

四朝宸翰

書冊

世祖章皇帝御臨諸名家帖

書卷

世祖章皇帝御書聖經

世祖章皇帝御臨蘇軾滿庭芳詞

書軸

世祖章皇帝御臨文徵明詩帖

書軸

世祖章皇帝御筆梅花

世祖章皇帝御筆山水

世祖章皇帝御筆葡萄

世祖章皇帝御筆畫竹

世祖章皇帝御筆竹石

世祖章皇帝御筆仿關仝山水

世祖章皇帝御筆仿董源山水

世祖章皇帝御筆仿郭熙山水

世祖章皇帝御筆仿范寬山水

世祖章皇帝御筆仿夏珪雪景

世祖章皇帝御筆仿米家山

世祖章皇帝御筆仿米友仁山水

世祖章皇帝御筆仿米友仁山水

世祖章皇帝御筆仿黃公望山水

世祖章皇帝御筆仿倪瓚山水

書冊

聖祖仁皇帝御書周易折中序

聖祖仁皇帝御書性理精義序

聖祖仁皇帝御書朱子全書序

聖祖仁皇帝御書佩文韻府序

聖祖仁皇帝御書御選唐詩序

聖祖仁皇帝御書避暑山莊記

聖祖仁皇帝御書草訣百韻

聖祖仁皇帝御書千文

聖祖仁皇帝御書千文

書卷

聖祖仁皇帝御書太極圖說

聖祖仁皇帝御書上帝閣讚

聖祖仁皇帝御書操舟說

聖祖仁皇帝御書賜裕親王札

聖祖仁皇帝御書千文

聖祖仁皇帝御書跋語

聖祖仁皇帝御書跋語

聖祖仁皇帝御書長壽星賦

聖祖仁皇帝御書行殿讀書賦

聖祖仁皇帝御書耕織圖序

聖祖仁皇帝御書古文淵鑒序

聖祖仁皇帝御書栢梁體詩序

聖祖仁皇帝御筆書通鑑綱目後

聖祖仁皇帝御書稼說

聖祖仁皇帝御書金蓮花賦

聖祖仁皇帝御書題畫詩

聖祖仁皇帝御臨蘇軾潁州西湖月夜泛舟詩

聖祖仁皇帝御臨蘇軾前赤壁賦

聖祖仁皇帝御臨黃庭堅書孟郊詩

聖祖仁皇帝御臨米芾詩帖

聖祖仁皇帝御臨米芾詩帖

聖祖仁皇帝御筆仿米芾千字文

聖祖仁皇帝御臨趙孟頫書輞川詩

聖祖仁皇帝御臨趙孟頫書歸田賦

聖祖仁皇帝御臨趙孟頫書紈扇賦

聖祖仁皇帝御臨趙孟頫書秋聲賦

聖祖仁皇帝御臨董其昌詩帖

聖祖仁皇帝御臨董其昌書舞鶴賦

聖祖仁皇帝御臨董其昌書滕王閣序

聖祖仁皇帝御臨董其昌書駕幸太學賦

聖祖仁皇帝御臨董其昌書麒麟賦

聖祖仁皇帝御臨董其昌書五柳先生傳

書軸

聖祖仁皇帝御書乾九五文辭

聖祖仁皇帝御書聖經

聖祖仁皇帝御書唐句

聖祖仁皇帝御書五臺碧山寺碑文

聖祖仁皇帝御書五臺殊象寺碑文

聖祖仁皇帝御臨米芾書泰階六符賦

聖祖仁皇帝御臨宋高宗書漢高祖求賢詔

聖祖仁皇帝御臨董其昌詩帖

聖祖仁皇帝御臨董其昌詩帖

聖祖仁皇帝御臨董其昌書樂志論

聖祖仁皇帝御臨董其昌仿趙孟頫詩

聖祖仁皇帝御臨董其昌蘭亭帖

聖祖仁皇帝御臨董其昌書老人星賦

欽定四庫全書

石渠寶笈卷一

貯

乾清宮一

宸翰

書冊

世祖章皇帝御臨諸名家帖五冊

黃箋本第一冊為順治十五年書臨王羲之樂

毅論分段署月日中楷書千文凡二則計二十四頁第二冊至第四冊皆順治十六年書第二冊臨黃庭堅嶽雲帖凡十三則計二十六頁第三冊節臨趙孟頫書離騷凡八則計十七頁第四冊雜臨鍾繇一則王羲之三則王獻之二則王廙一則懷素一則歐陽詢二則顏真卿一則蘇軾一則蔡襄一則董其昌一則計十五頁俱分段署月日第五冊為順治十七年書臨虞世

南書孔子廟堂碑分十則署月日計二十五頁
頁高九寸五分廣一尺一寸八分

書卷

世祖章皇帝御書聖經一卷

黃箋本行楷大書卷前署聖經二字卷高一尺
四寸五分廣三丈九尺二寸四分

世祖章皇帝御臨蘇軾滿庭芳詞一卷

黃箋本大楷書款識云己亥冬對臨東坡之帖

卷高一尺三寸廣一丈九尺

書軸

世祖章皇帝御臨文徵明詩帖一軸

素箋本行楷書七言絕句一首款識云己亥冬
臨文徵明書軸高四尺八寸七分廣一尺九寸

一分

畫軸

世祖章皇帝御筆梅花一軸

素綾本墨畫款識云順治乙未孟冬御筆戲寫
上鈐廣運之寶璽一軸高三尺四寸八分廣一
尺七寸三分

世祖章皇帝御筆山水一軸

素綾本墨畫款識云順治乙未仲冬朔日御筆
寫上鈐廣運之寶璽一又另行署賜大學士劉
正宗七字軸高四尺七寸五分廣一尺六寸一
分

世祖章皇帝御筆葡萄一軸

雲母箋本墨畫款署御筆上鈐廣運之寶璽一
右方下又識云順治乙未仲冬朔日寫上鈐萬
幾餘暇寄興圖書漱六藝之芳潤怡情翰墨措
萬物于筆端二璽軸高三尺七寸廣一尺九寸
二分

世祖章皇帝御筆畫竹一軸

素箋本墨畫款識云順治乙未仲冬御筆戲寫

上鈐廣運之寶璽一軸高二尺六分廣八寸五分

世祖章皇帝御筆竹石一軸

素綾本墨畫款識云順治丙申夏日御筆畫下有廣運之寶萬幾餘暇二璽前有體元齋璽一軸高四尺七寸七分廣一尺六寸一分

世祖章皇帝御筆做關仝山水一軸

素綾本墨畫款識云丙申孟秋御筆做五代關

全筆意畫下有廣運之寶萬幾餘暇二璽前有

體元齋璽一軸高四尺八寸五分廣一尺六寸

四分

世祖章皇帝御筆仿董源山水一軸

素綾本墨畫款識云丙申季秋御筆仿宋董源

筆意畫軸高四尺八寸五分廣一尺六寸二分

世祖章皇帝御筆仿郭熙山水一軸

素綾本墨畫款識云丙申仲秋御筆仿宋郭熙

筆意畫下有廣運之寶萬幾餘暇二璽前有體
元齋璽一軸高四尺八寸八分廣一尺六寸四

分

世祖章皇帝御筆做范寬雪景一軸

素綾本墨畫款識云丙申仲秋御筆仿宋范寬
筆意畫下有廣運之寶萬幾餘暇二璽前有體
元齋璽一軸高四尺八寸五分廣一尺六寸七

分

世祖章皇帝御筆仿夏珪雪景一軸

素綾本墨畫款識云丙申孟秋御筆仿宋夏珪
筆意畫下有廣運之寶萬幾餘暇二璽前有體
元齋璽一軸高四尺八寸八分廣一尺六寸七
分

世祖章皇帝御筆倣米家山一軸

素牋本墨畫款識云順治歲在乙未仲冬望日
御筆倣宋米元章父子畫賜司吏院承院王進

善上鈐廣運之寶萬幾餘暇二璽左方上有寄
興圖書漱六藝之芳潤怡情翰墨措萬物于筆

端璽一軸高三尺五寸二分廣一尺六分

世祖章皇帝御筆做米友仁山水一軸

素綾本墨畫款識云丙申孟秋御筆做宋小米
筆意畫下有廣運之寶萬幾餘暇二璽前有體
元齋璽一軸高四尺九寸廣一尺六寸四分

世祖章皇帝御筆做米友仁山水一軸

素綾本墨畫款識云順治丙申夏日御筆倣小
米筆意畫下有廣運之寶太和主人二璽前有
體元齋璽一軸高四尺七寸廣一尺六寸二分
世祖章皇帝御筆倣黃公望山水一軸

素綾本墨畫款識云順治歲在乙未仲冬望日
御筆倣元黃子久畫賜尚方院左承議郭進忠
上鈐廣運之寶萬幾餘暇二璽左方上有寄興
圖書漱六藝之芳潤怡情翰墨措萬物于筆端

璽一軸高三尺六寸四分廣一尺五寸五分

世祖章皇帝御筆仿倪瓚山水一軸

素綾本墨畫款識云丙申季秋御筆仿元倪瓚
筆意畫軸高四尺八寸六分廣一尺六寸五分

書冊

聖祖仁皇帝御書周易折中序一冊

素綾本楷書末幅款識云康熙五十四年春三
月十八日書後有體元主人稽古右文之章二

璽首幅前署御製周易折中序七字冊計六幅
幅高六寸八分廣四寸六分

聖祖仁皇帝御書性理精義序一冊

素箋本楷書末幅款識云康熙五十六年春二
月初一日書後有體元主人萬幾餘暇二璽首
幅前署御製性理精義序七字冊計六幅幅高
六寸八分廣四寸七分

聖祖仁皇帝御書朱子全書序一冊

素牋本楷書末幅款識云康熙五十二年歲在
癸巳夏六月敬書後有體元主人稽古右文之
章二璽首幅前署御製朱子全書序七字冊計
二十七幅幅高六寸八分廣四寸

聖祖仁皇帝御書佩文韻府序一冊

素牋本行楷書末幅款識云康熙五十年十月
題後有體元主人萬幾餘暇二璽首幅前署御
製佩文韻府序七字冊計十二幅幅高五寸二

分廣三寸四分

聖祖仁皇帝御書御選唐詩序一冊

素牋本楷書末幅款識云康熙五十二年三月
上旬題並書後有體元主人萬幾餘暇二璽首
幅前署御選唐詩序五字冊計十幅幅高五寸
九分廣三寸七分

聖祖仁皇帝御書避暑山莊記一冊

素牋本楷書末幅款識云康熙五十年六月下

旬書後有體元主人萬幾餘暇二璽首幅前署
御製避暑山莊記七字冊計十幅幅高六寸一
分廣三寸九分

聖祖仁皇帝御書草訣百韻一冊

灑金牋本草書後頁款識云康熙乙未夏再書
下有康熙稽古右文二璽冊計三十六頁頁高
五寸五分廣六寸

聖祖仁皇帝御書千文一冊

素牋本草書後頁款識云康熙甲戌夏日書後
有體元主人萬幾餘暇二璽首頁有康熙御筆
璽一冊計十一頁頁高七寸七分廣七寸六分
聖祖仁皇帝御書千文一冊

灑金牋烏絲闌本草書後頁款識云康熙五十
四年秋再書下有康熙稽古右文二璽冊計十
六頁頁高五寸五分廣五寸九分

書卷

聖祖仁皇帝御書太極圖說一卷

灑金牋本行楷書款識云康熙五十一年歲次
壬辰六月山莊再敬書下有康熙宸翰勅幾清
晏二璽卷前有淵鑒齋璽一卷高一尺六寸二
分廣三丈二寸五分

聖祖仁皇帝御書上帝閣讚一卷

灑金牋本大楷書款識云康熙五十一年六月
吉旦敬書上鈐康熙御筆之寶璽一卷前署上

金史卷一百一十五
卷一
帝閣讚四字卷高二尺二寸七分廣二丈八尺
三寸六分

聖祖仁皇帝御書操舟說一卷

素戔本草書未署款後有體元主人萬幾餘暇
二壘卷前有康熙宸翰壘一卷高八寸七分廣
一尺九寸四分

聖祖仁皇帝御書賜裕親王札一卷

宣德牋本行楷書凡二則後有體元主人萬幾

餘暇二璽卷高七寸六分廣一尺六寸五分

聖祖仁皇帝御書千文一卷

宣德箋本楷書款識云康熙庚午初夏臨下有
康熙宸翰萬幾餘暇二璽卷高七寸四分廣八
尺八寸九分

聖祖仁皇帝御書跋語一卷

宣德箋本凡二則第一則小楷書跋資政要覽
後有康熙稽古右文二璽第二則行楷書跋蘭

亭帖後有康熙宸翰萬幾餘暇二璽卷高七寸

五分廣一尺八寸二分

聖祖仁皇帝跋語一卷

素牋本行楷書凡三則第一則跋董其昌書畫

錦堂記第二則跋米芾書天馬賦第三則跋趙

孟頫書不自棄文未署款後有康熙稽古右文

幾暇怡情三璽卷前有佩文齋璽一卷高七寸

六分廣一尺八寸

聖祖仁皇帝御書長壽星賦一卷

素綾本行書未署款後有康熙宸翰稽古右文之章二璽卷前有淵鑒齋璽一卷高一尺一寸廣九尺七寸六分

聖祖仁皇帝御書行殿讀書賦一卷

素箋本行書款識云康熙甲子冬至前書後有體元主人稽古右文之章二璽卷前署行殿讀書賦有序七字又日鏡雲伸璽一卷末臣張英

跋云敬觀

御製併書行殿讀書賦仰見

聖心稽古典學符乎天健雖當時巡彌勤誦讀賦辭鴻
麗遠配典謨以此敦勵來茲垂法萬世猗歟盛
矣

御書圓勁相含體格精妙溫潤同于珠璧神采炳于日

星備八法之楷模兼諸家之美善曠代鉅觀瞻

仰何極

臣

張英恭跋又

臣

顧藻跋云洪惟我

皇上法天出治稽古敷文化成之盛迴越三五恭誦
御製行殿讀書賦伏稔

駐蹕行宮猶且左圖右史常勤丙夜

宸章炳赫若挾風霆于尺幅飛泉瀑于毫端煥乎有文
淵然莫測而

睿翰流輝則雲漢為昭日星垂麗彙衆體而得其精集

大成而臻于化

臣

藻學識淺疎遭逢

聖主瞻仰光華真千載一時之遇敬抒歡忭敢効頌颺

臣
顧藻恭跋又 臣
勵杜訥跋云

皇上勤民省方同諮田野駐蹕之時則披覽圖史丙夜
不輟孜孜忘倦之淵衷發為

天藻義蘊弘博光婉典謨

聖學之高深乾元之行健自有載籍以來未之前聞

奎翰堅凝峭傑古鬱絕倫結構既極精嚴神采復極煒

煥儼若山岳聳峙日月昭融誠冊府之鴻模為

藝林所永寶也 臣
獲仰瞻曷勝榮慶 臣
勵杜訥

恭跋又

臣

胡會恩跋云

皇上天縱之聖日勤萬幾聽政之餘必親經史雖時邁
省方乙夜勿輟斯賦所由作也

濬思淵發神藻天開玉振金聲超絕衆妙

奎畫元氣中涵光華四照出入造化卷舒風雲負哉集

書學之大成矣

臣

承

命賜觀得以仰瞻

鴻製周環循誦晃耀心目頌颺讚嘆莫罄高深微

臣

榮

遇于斯為至謹拜手稽首書于卷末以誌億萬
年琬琰之傳永永無極云臣胡會恩恭跋又臣
孫岳頌跋云詩誦就將書陳遜敏法天行健蓋
心乎學者也恭讀

御製知稽古之功雖巡行靡間以萬幾之餘暇極夙夜
之精勤含英咀華發揮心得始終條理該貫藝
文洵垂世之典謨不僅為賦體之軌範也至

御筆之心手調和法完神密擬之海涵山立日麗星輝

斯堪彷彿

臣

幸際

盛時獲觀

宸翰不勝踴躍歡忭之至

臣

孫岳頒恭跋卷高七寸七

分廣八尺二寸七分

聖祖仁皇帝御書耕織圖序一卷

宋牋本行草書款識云康熙三十五年春二月

社日題并書下有我思古人述而不作二壘卷

前署御製耕織圖序六字有惜寸陰壘一卷高

七寸九分廣五尺八寸二分

聖祖仁皇帝御書古文淵鑒序一卷

素牋本行草書款識云康熙二十四年十二月
題并書下有我思古人述而不作二壘卷前署
御製古文淵鑒序七字有佩文齋璽一卷高六
寸六分廣六尺三寸二分

聖祖仁皇帝御書栢梁體詩序一卷

素牋本楷書款識云康熙二十一年正月十四

日御筆上鈐康熙宸翰璽一卷後有沈荃書栢
梁體聯句詩欸識云日講官起居注詹事府詹
事兼翰林院侍讀學士加禮部侍郎臣沈荃奉
勅書卷高七寸八分廣四尺八分

聖祖仁皇帝御筆書通鑑綱目後一卷

宣德箋本楷書未署欸後有康熙宸翰萬幾餘
暇二璽卷前署書通鑑綱目後六字卷高七寸
六分廣一尺三寸四分

聖祖仁皇帝御書稼說一卷

素牋本楷書未署款後有康熙稽古右文萬幾
餘暇三璽卷前署稼說二字有惜寸陰璽一卷
高六寸三分廣一尺六寸五分

聖祖仁皇帝御書金蓮花賦一卷

素綾本行楷書款識云癸未書下有康熙宸翰
保合太和二璽卷前署金蓮花賦四字有佩文
齋璽一卷高七寸五分廣六尺七寸九分

聖祖仁皇帝御書題畫詩一卷

素牋本行書七言截句一首款識云題畫六十一年書卷高八寸八分廣二尺一寸
此卷暨唐句一軸皆康熙六十一年

聖祖御筆賜我

皇上者越雍正八年

上在青宮時作

聖祖仁皇帝恩賜御書記今敬鐫龍箱上記曰憶自年

十二時隨

皇祖聖祖仁皇帝駕往熱河避暑朝夕隨侍

皇祖萬幾之暇輒流覽書史或

親灑宸翰

御名

從旁竊觀心慕而未敢以請也

皇祖顧

御名

曰汝愛吾書乎賜長幅一復賜橫幅一扇

一皆持以告我

皇父寶而藏之其年冬

龍馭上賓哀痛沉篤每展閱

御筆手澤猶存涕涔涔下乃肅容拜手而為之記曰嗚

呼

皇祖之孫百餘人其中聰明才識好學博文年長于

御

名

而任事于朝者彬彬濟濟

御名

年甫弱齡性

復鈍魯顧特被

恩寵迥異他人者豈非我

皇祖推愛我

皇父之心比諸孫有獨摯乎今雖八載

聖訓慈顏宛然如昨豈徒栝棧之慟已哉昔歐陽修作
宋仁宗飛白記謂仁宗德澤涵濡于天下者四十
餘年田夫野老猶悲歌思慕况得望清光而
承恩寵者尤相與流涕不置我

皇祖君臨天下六十餘年聖德之廣大化澤之弘深享
年之有永過于仁宗萬萬歐陽修不過受知近
臣為僚采作記尚流連咨嗟慨想而不能自禁
况御名以孫枝日侍晨夕誨愛特深親侍

皇祖之揮毫躬受錫予其流連咨嗟慨慕更當何如因
書以誌不忘云

聖祖仁皇帝御臨蘇軾潁州西湖月夜泛舟詩一卷

素綾本大楷書欵識云康熙辛亥孟夏日臨東
坡之帖後有體元主人萬幾餘暇二璽卷前署
御筆二字上鈐宣文之寶璽一卷高一尺二寸
四分廣一丈六尺五寸二分

聖祖仁皇帝御臨蘇軾前赤壁賦一卷

素絹本草書款識云臨蘇軾書下有康熙宸翰
勅幾清晏二璽卷前有淵鑒齋璽一卷高一尺
五寸廣一丈一尺六寸五分

聖祖仁皇帝御臨黃庭堅書孟郊詩一卷

灑金牋本楷書五言古詩一首款識云臨黃庭
堅書下有康熙宸翰璽一卷前有淵鑒齋璽一
卷高一尺三寸二分廣七尺四寸四分

聖祖仁皇帝御臨米芾詩帖一卷

素絹本行楷書五言排律詩二首款識云臨襄陽米芾書下有康熙宸翰保合太和二璽卷前有日鏡雲伸璽一卷高八寸廣六尺六寸三分聖祖仁皇帝御臨米芾詩帖一卷

素絹本行楷書五言排律一首未署款後有康熙宸翰稽古右文之章二璽卷前有淵鑒齋璽一卷高八寸廣七尺七寸

聖祖仁皇帝御筆倣米芾千字文一卷

素絹本行楷書款識云康熙壬午夏六月初庚
後二日避暑口外雨霽風清四圍山色乘朝爽
揮筆倣元章書法下有稽古右文之章璽一卷
前有日鏡雲伸璽一拖尾臣陳廷敬跋云臣惟
書稱堯文思舜文明禹文命昔者史臣將紀一
代之至德至道大經大法必先首稱曰文文綦
重矣而伏羲龍書神農穗書黃帝雲書爰自三
皇已宗書道書綦重矣我

皇上弘帝王之治統闡神聖之心傳

天文覃敷

御書昭被紹隆皇古濟美唐虞猗歟盛哉弗可及已

臣

嘗見

萬幾餘閒無他嗜好博覽羣書手不釋卷清明在躬英

華發外煒煌

聖製昱曜斯文良由

天縱生知加以時敏典學故盛德日新大業丕顯如斯

其至也若夫

宸章

睿翰旬月所書數餘萬幅秘府之藏充函屬棟時蒙
賜賚寵逮臣工鴻寶流傳光被天壤至

御書千文真行草書已有數種各極其妙遠過古人頃
頒示倣米芾千文

仙毫結字

奎藻聯篇如日月星辰之麗于天而高莫能窮焉如岳

鎮海瀆之奠于地而厚莫可極焉

臣

等前所謂

體勢則經天緯地風采則出聖入神也璧合珠

連龍翔鳳舉八文六義應手從心運闔闢之樞

機用文章之矩矱高掩東晉直轡襄陽

臣

等前

所謂無美不臻靡法不備也神完氣足幾動天

隨儼然太乙下觀自有百靈潛衛

臣

等前所謂

千言長幅立刻揮成自始至終無一懈筆也遂

以是卜

聖祚之遐昌慶

嵩齡于億萬凡此賡颺之實洵為遭遇之隆

臣

等前請

撫勒貞珉恭綴跋語荷蒙

俯允敢布愚忱

臣

廷敬不勝瞻仰榮幸之至經筵講官

吏部尚書

臣

陳廷敬恭跋又

臣

勵杜訥跋云

臣

杜訥叨侍

內廷久歷年所稔見我

皇上萬幾稍暇即撰文賦詩抽毫染翰雖盛暑隆寒每

至丙夜弗輟用是

天藻星羅編垂百卷業成二集

宸書繁富夥够累笥連篋駢積芸齋曩荷

賜觀恭展竟日僅及百分之一二數年以來時蒙

頒賚內外諸臣邇者兼許自擬堂名旋濡

御墨拂素淋漓靡弗標新翬格出聖入神卿貳侍射之

頃猶獲瞻仰

揮毫環跼籲千均邀

恩寵今自春入夏綾縑之外書側理二千餘幅除經賞
給計存字一十三萬有奇

特宣手勅以所儲卷軸分錫閣臣以下凡三百餘人

聖朝異數振古罕聞茲

蹕駐塞垣時方炎夏裁答封事之後臨池未午結字盈

千郵筒馳付典司

臣

等稽首敬閱體全法備璧

合珠聯遒勁如山岳堅貞宕逸若鳳鸞翥翥光

儷日月勢沛江河至運筆之古茂沉鬱盡脫從

來蹊逕卓越歷代帝王名臣奚啻萬萬昭示策
府藝林世奉鴻模異寶矧

御書千文大小真楷行草無一不備斯復長綃霧薄迅
管風生妙致縱橫中峰迴拔化工在手矩矱從
心畫裡千鈞行間萬象盡善盡美讚誦難名益
欽我

皇上道氣充周德元深厚健行廣運永慶

萬年

臣

既拜觀

榮光更卜無疆

聖瑞曷勝踴躍歡忭之至都察院左副都御史

臣

勵杜

訥恭跋又

臣

孫岳頌跋云欽惟

皇上萬幾餘暇寄興臨池或大書題額或直揮長幅無
不元氣渾涵八法具備良由

天縱神姿加以

聖功不息固宜超詣入化也茲者

駕幸塞垣值風清雨霽之時倣米芾千字文一卷不竟

日而成

特賜翰林官恭覽

臣

岳頌幸與其列仰瞻之下行欵適

均結構完密非精神力量萬分具足未易觀成
于俄頃且盡美盡善如斯也

聖算綿長于斯可卜私心慶幸忭舞曷勝

臣

仰承

聖訓粗知點畫向雖於

御書法帖中備觀千字文真行草各種而今茲所見益

日異月新

臣

誠莫測

聖學之高深惟有頽首歎奇絕而已謹拜手稽首而獻
頌曰惟天行健惟聖時憲敬德慎修厥中以建
我

皇勤政旰食宵衣巡行郊甸爰駕六飛順令夏苗塞垣
駐蹕批荅章奏早夜無逸留心書射

天縱之餘決拾既閒澄懷以居染翰臨池墨光璀璨山
色四圍環拱几案維時雨歇溽暑疑秋清風徐
來披拂林邱絹素橫陳柔潤若水興酣落筆日

不移晷立成千字自昔未聞得心應手布獲烟
雲傳示外藩震驚匍伏如天在頂如日在目

賜觀內廷萬象陶鈞吐納若海變化若神歷代書家難
更僕數敏妙兼該卓絕今古幸逢

聖世景運日新儒風士習返樸還醇字學天開儼同羲
畫

帝樹之程文貫金石循端竟委完固堅強氣充力厚永
卜無疆虔請鉤摹上符星紀天壤流傳以垂萬

禋禮部侍郎仍管國子監祭酒事

臣

孫岳頌恭

跋又

臣

胡會恩跋云

皇上峻德神功參贊天地當久道化成之會而宵旰勵精罔有暇逸左圖右史玉振金聲發為

宸章昭日星而炳宇宙若乃萬幾清讌游藝臨池綜括晉唐宋元明諸家各體而神明變化悉超軼而上之秘府所藏琳琅充積臣工霑

賜寵溢簪裾至于

法駕時巡聽覽之餘濡毫拂素亦無虛晷迺者塞垣朝
興倣米芾千文不竟日而就字字蒼堅古勁機
圓力厚結構天然煒哉

聖功純密意在筆先故一氣揮成俄頃之間颺發韻流
毫髮無憾歷稽前代帝王及書家宗匠從未有
精微敏妙克臻斯境者也臣等伏覩

御書千字文各種真行草書皆冠絕前古凌智永于行
間轢褚趙于腕下此本苞含雄渾遠過襄陽真

莫可擬議仰惟

天文飛灑時萬象澄鮮山川環拱雲舒霞卷氣靜神凝
億萬年清寧強固之庥于此備徵之矣

臣

會恩

拜手敬瞻忻幸無極謹綴數字于卷末以抒鳧

藻之忱云兵部左侍郎

臣

胡會恩恭跋又

臣

張

廷瓚跋云

皇上亶聰天錫大業日新經綸則苞毓乾坤聲教則洋溢
洽宇宙而又精研邱索罔間寒暄探道法之淵

源挾詞華之閫奧古稱堯文丕煥何以加茲至
于露溢金莖雲生鏤管綾文似水墨瀟如波運
造化于毫端掣風雷于腕下神明八法皆本天
縱之雄奇囊括諸家不僅人工之摹倣所由
頌來禁苑與丹文綠字以同傳

賜在臣廬每心維手追而不得彼夫鍾家太傅雅號書
僊王氏右軍爭推草聖墨池筆塚咸飛滄溟之
魚北海南宮並掃中山之兔雖為藝林之模楷

總歸

宸翰之陶鎔乃者胞與遐方懷柔藩服挽強引滿巡行
于龍荒大漠之區躍馬鳴鞭撫綏于夏日炎風
之會

駐蹕而開黃幄事且萬幾臨池以灑霜毫卷將十丈急
草千文之帖何須竟日之功

睿思凝而成局羅胸神鋒發而錯綜在手千端雲擁則
游龍夭矯于天池五彩翬飛則鳴鳳翩跹于丹

穴放同泉決勁類藤牽疎密行間仰三垣之麗
斗迴環紙上若五緯之編珠霧靄烟霏未盡卷
舒之變淵渟嶽峙難形結撰之奇允垂後以光
前洵超今而冠古

小臣

職司載筆學愧塗鴉敬

請金石之鐫廣作津梁之寶則千緒側理羣僚
齊捧

奎章十笏隄靡百世共藏拱壁裝成玳瑁琅函燭雲翰
之輝襲以芸香錦軸耀文昌之色欣逢

盛事寵沐

殊榮驚駭逾涯慶幸何極日講官起居注詹事府少詹

事兼翰林院侍講學士

臣

張廷瓚恭跋又

臣

陳

元龍跋云

臣

聞金天紀鳳體象丹霄炎帝書雲

勢迴清漢望嘉禾而濡翰撫寶鼎以成章道在
無為藝多入聖伏見我

皇上垂裳致治握鏡臨朝惜此寸陰所其無逸政事之
暇書射是娛用以涵養性情發揮文物沍寒溽

暑不輟臨池晝漏宵鐘時聞灑翰

法書寶墨軼晉超唐大軸長箋堆床壓架盈庭拜珠璣
之賜薄海瞻奎壁之光茲者

時邁龍沙于苗雞塞射棚聲靜更試龍香帳殿風清還
鋪剡紙六時未竟千字俄成彼智永遜此神奇
若元章歸于陶鑄攬山川之雄秀筆底包羅觀
雲物之澌鮮毫端流露傳來塞上侍從咸驚宣
示禁中臣隣胥慶較舊鐫之數種別運神明昭

傑構于千秋永垂模楷光華煥發知

聖體之日強氣韻安和識

天顏之有喜葡萄載剪益廣長編琬琰精鏤用傳鴻寶

際此

文明之盛能忘揚頌之私

小臣

識比管蠡書慚蛇蚓悚

惶無已忭舞難名謹拜手稽首而獻頌曰於赫

我

皇聖敬無逸六飛于邁萬靈承蹕巡行塞垣民事以恤

政餘游藝是訓是則正筆以心觀射以德千文
迅成不俟終日擘窠大字迥殊舊刻拂紙珠聯
揮毫電疾鳳羽孤騫虹彩四溢匪懈匪舒以嚴
以密

精明斯固蕃祉貞吉象已叅三畫先得一能由
天縱法垂

聖律如日升霄繁星自匿如龍御天靈魚敢匹傳示禁
庭肅仰心忭青瑤載礪金泥玉櫛九有咸覩萬

年表率卿雲墨妙焜煌鬱筆煥乎文章拜稽莫

述日講官起居注翰林院侍讀學士臣陳元龍

恭跋又臣王原祁跋云欽惟

皇上御極以來治功光被文教誕敷薄海內外固已久

道化成乃

萬幾之暇猶復網羅四庫殫精八法真可謂天縱多能

度越千古者也茲者避暑口外

行宮肅爽清泉密林環流拱翠

宸衷恬曠揮灑臨池倣米書千字文不竟日而成體格
精嚴筆法變化從古所未經見使米芾生于今
日亦應俛首欽服歛手退避臣原和幸叨侍從
獲與傳觀跪捧拜展異采騰光淋漓照曜仰見
精神充溢元氣磅礴可徵

聖壽無疆不第翰墨奇珍也心目開朗踴躍歡忻至書
法之闡幽入微臣原和自慚結蚓無能贊歎以
管窺天惟知為希世之寶敢求勒之金石永垂

昭示謹拜手稽首而為頌頌曰維天垂象雲漢
昭回大文丕顯鴻濛肇開聖人則之光被有格
精一傳心道先羲畫吾

皇受命如日方中聲教四訖莫不率從造化因心陰陽
合德垂裳揮絃行健不息順時暇豫三伏避炎
清溪灌木氣爽神怡招涼滌暑頤養天和芸編
緇閱古蹟摩挲文披興嗣書傳海嶽濡毫灑翰
龍虎騰蹕心通墨妙意在筆先直凌羲獻遠勝

米顛

天章彪炳點畫縱橫鵝溪十丈千字揮成從古臨摹精
研歲月柳骨顏筋便稱津筏流峙方圓頃刻而
就如此

帝力豈非天授馳示臣僚驚心炫目如旋天樞若轉地
軸希代奇珍百王居首何幸獲觀嘆所未有鳳
舞鸞飛照臨旭日墨裡行間元氣所出是則是
倣文苑生光儼同丹篆用卜遐昌金石是勒什

襲是寶

紫極瑤宮萬年永保右春坊右中允兼翰林院編修

臣

王原和恭跋又

臣

查昇題云璇璣纏絡騰紫烟

河苞雒符孕先天

聖人則象惟自然三光璀璨筆底懸

宸章昨灑帳殿前想見墨瀋磨山泉涼颼微扇溽暑蠲
萬幾清暇披長箋如何寸晷影未遷

大書陸離字盈千神速直有風霆鞭烟霏霧結星斗聯

黃封馳來

天語宣

臣工

瞻拜相差肩驚歎抃舞彌恭虔驪珠顆顆

光且圓龍翔虎跳鸞鳳騫剛柔相濟表鐵綿義
絲退舍况米顛吾

皇至德體行健游藝亦叅造化權豪鉅轉摺八法全規

樸精采琬琰鑄

微臣

遭逢

恩獨偏幸附不朽何因緣涓埃未報心拳拳歌詠

盛治億萬年日講官起居注翰林院編修

臣

查昇恭跋

又

臣

宋駿業跋云

臣

聞一畫開天六書首出煥

乎文章唐虞尚矣我

皇上宵旰勵精功成治定猶重惜寸陰留神翰墨講求

筆法先于正心

臣

忝列

禁廷十餘年每捧

天章日輝星燦擘窠大字行楷牋幅或倣古臨摹或機

杼獨運富有日新盡善盡美此

皇上篤好專精寒暑靡間如一日者在諸臣之究心

染翰者終未能竊窺淵奧而

皇上得心應手之妙當有默會于意象之先者即如今

年春夏一兩月間所書

宸翰約逾十三萬字之多而所

賜匾額不與焉臣思古今書家日得五百字者遂以善

書名世

聖功遜敏數倍于斯此亘古未聞之神異也又蒙

溥賜閣臣以及部院寺省諸臣

御書于

保和殿諸臣忭舞懽呼交相稱賀合疏陳

謝誠悅誠服豈僅鋪揚盛美媚茲一人而已哉茲者

恭逢

皇上避暑塞垣凝思

行殿攬山光之環翠挹朝爽之微涼抽毫展素無或

少間晷刻之頃動書成帙六月二十五日蒙

頒示_臣等

御書千字文一卷乃取米芾筆意濡墨立成妙入化工
捷同神運諸臣拜手肅觀神彩煥發體勢矯健
自首至尾無美弗備莫不恭頌

聖學之精純

聖躬之強固僉曰聰明作睿則天亶之聖也勤學不倦
則日躋之功也歷久彌篤則無息之驗也精進
日強則升恒之象也元氣渾全則歷數之徵也
臣未諳操筆私幸遭遇非常叨荷

殊寵與瞻

龍藻列名卷末

臣

之榮幸更無與儔用敢直陳盛事紀

實拜颺語慚樸遯無任悚惶兵科掌印給事中

臣

宋駿業恭跋又

臣

沈宗敬跋云康熙四十一

年夏六月

聖駕避暑

行宮羣臣章奏及內外機務

宸斷無闕

萬幾之暇留覽圖書吮豪潑墨倣米芾千字文大書一

卷馳驛

勅示內廷詞臣_臣等恭叩開函

龍章璀璨照耀雲日字體縱橫筆法圓勁有岳峙淵渟
之勢伏惟

皇上研精八法大小行楷俱超越千古即所書千字文
亦不下數十本茲卷如風行電掃尤極氣足神
完仰見

聖學日新精力強固從來稽古右文之主罕有及者

臣

等踴躍忭舞賡歌誌美請勒貞珉永昭法則

臣

宗敬竊附侍從之末躬逢

盛事曷勝慶幸謹拜手稽首而獻頌曰大哉我

皇道邁百王聰明淵廣

聖德丕彰殫心宥密萬善允臧時屆奎中避暑朔方高

山出雲清風送涼既豫

聖躬燕莫遐荒亦籌民隱亦務

朝常上煩

宵旰寃在

廟堂

勤政餘閒漁獵縹緗

聖心和樂揮灑

天章曾不移晷一掃千行龍跳虎卧鳳舞鸞翔若羲與

獻孰能仰望而况米芾何敢擅長

聖不自聖疇咨是將琅函一啓雲錦輝煌氣骨雄渾體

勢堅強

聖文崇煥不可度量臣鄰永法拜手賡颺以下

萬壽天地無疆翰林院庶吉士

臣

沈宗敬恭跋卷高一

尺五寸五分廣三丈三尺

聖祖仁皇帝御臨趙孟頫書輞川詩一卷

宣德牋本楷書欵識云庚午春三月臨下有正

心誠意二璽卷前有八表同文璽一卷高七寸

九分廣三尺四寸

聖祖仁皇帝御臨趙孟頫書歸田賦一卷

素牋本草書款識云壬午夏閏六月立秋後四
日臨趙子昂書歸田賦後有康熙稽古右文二
璽卷前有中和璽一卷高六寸一分廣六尺五
寸

聖祖仁皇帝御臨趙孟頫書紈扇賦一卷

宣德牋本行楷書款識云癸酉春臨子昂書卷
前有康熙御筆之寶璽一卷高七寸八分廣三

尺五寸九分

聖祖仁皇帝御臨趙孟頫書秋聲賦一卷

素牋本行楷書款識云庚午臨上鈐康熙御筆
之寶璽一卷前有致中和璽一卷高一尺一寸
七分廣六尺五寸

聖祖仁皇帝御臨董其昌詩帖一卷

素牋烏絲闌本行草書七言律詩四首款識云
癸未仲夏避暑于暢春園時雨初霽曉窓清爽

臨董其昌書唐律四首下有康熙宸翰保合太和二璽卷前有佩文齋璽一卷高八寸九分廣三尺七寸七分

聖祖仁皇帝御臨董其昌書舞鶴賦一卷

素絹本行書款識云乙酉仲春南巡臨董其昌書下有康熙宸翰保合太和二璽卷前有佩文齋璽一卷高八寸六分廣一丈二尺九寸五分

聖祖仁皇帝御臨董其昌書滕王閣序一卷

灑金箋本行草書款識云癸未秋八月臨董其昌下有康熙宸翰保合太和二璽卷前有日鏡雲伸璽一卷高九寸八分廣一丈三尺六寸

聖祖仁皇帝御臨董其昌書駕幸太學賦一卷

素絹本行草書未署款後有康熙宸翰稽古右文之章二璽前有日鏡雲伸璽一卷高一尺五寸廣二丈七尺一寸

聖祖仁皇帝御臨董其昌書麒麟賦一卷

素絹本行楷書款識云乙酉春南巡舟中臨董
其昌下有康熙宸翰保合太和二璽卷前有佩
文齋璽一卷高一尺一寸五分廣九尺

聖祖仁皇帝御臨董其昌書五柳先生傳一卷

素牋烏絲闌本行書款識云壬午夏臨下有康
熙稽古右文二璽卷前有中和璽一卷高六寸
一分廣二尺七分

書軸

聖祖仁皇帝御書乾九五爻辭一軸

灑金牋本行楷大書飛龍在天利見大人八字
下有五味在和淵鑒揮毫二璽右方上有三無
九有璽一軸高六尺廣二尺一寸二分

聖祖仁皇帝御書聖經一軸

素絹本行楷大書欸識云康熙三十三年歲在
甲戌仲夏穀旦書上鈐欽文之璽璽一軸高九
尺八寸三分廣五尺一寸五分

聖祖仁皇帝御書唐句一軸

灑金牋本行書五言截句一首後署唐句下有
戒之在得七旬清健二璽右方上有坦坦蕩蕩
璽一軸高三尺二寸七分廣一尺三寸八分

聖祖仁皇帝御書五臺碧山寺碑文一軸

素絹本楷書款識云康熙三十九年月上鈐
康熙宸翰璽一軸高四尺八寸廣二尺五分

聖祖仁皇帝御書五臺殊像寺碑文一軸

素絹本楷書款識云康熙三十九年月日上鈐
康熙宸翰璽一軸高四尺八寸廣二尺五分

聖祖仁皇帝御臨米芾書泰階六符賦一軸

素綾本行楷書款識云襄陽米芾書泰階六符
賦已如臨下有康熙宸翰勅幾清晏二璽右方
上有淵鑒齋璽一軸高七尺七寸八分廣二尺
七寸八分

聖祖仁皇帝御臨宋高宗書漢高祖求賢詔一軸

素絹本行楷書欵識云臨宋高宗書下有康熙宸翰保合太和二璽右方上有佩文齋璽一軸高三尺八寸三分廣一尺一寸七分

聖祖仁皇帝御臨董其昌詩帖一軸

灑金牋本行書五言古詩一首後署臨董下有五味在和淵鑒揮毫二璽右方上有三無九有璽一軸高六尺六寸廣四尺七寸七分

聖祖仁皇帝御臨董其昌詩帖一軸

灑金箋本行書大字五言律詩一首後署臨董
下有五味在和淵鑒揮毫二璽右方上有三無
九有璽一軸高九尺三寸一分廣三尺七寸一
分

聖祖仁皇帝御臨董其昌書樂志論一軸

素絹本行楷大書欵識云甲戌三月臨董其昌
書樂志論下有體元主人萬幾餘暇二璽右方
上有三無九有璽一上方中有康熙御筆之寶

璽一軸高一丈五寸廣五尺七寸七分

聖祖仁皇帝御臨董其昌倣趙孟頫詩帖一軸

素牋本行書七言律詩一首後署董其昌臨趙
松雪詩帖下有康熙宸翰勅幾清晏二璽右方
上有淵鑒齋璽一軸高六尺一寸七分廣二尺
四寸三分

聖祖仁皇帝御臨董其昌蘭亭帖一軸


素牋本行書欵識云癸酉春臨華亭董其昌書

卷一
下有體元主人萬幾餘暇二璽前有三無九有
璽一上方有康熙御筆之寶璽一軸高一丈一
尺七寸四分廣七尺

聖祖仁皇帝御臨董其昌書老人星賦一軸

素綾本行楷書款識云康熙二十八年冬至前
臨董其昌老人星賦恭

進下有敬天勤民璽一右方上有日鏡雲伸璽一軸高
七尺九寸二分廣三尺六寸七分



欽定四庫全書



石梁寶笈

石渠寶笈卷一